

## UOB BAKI PENGURANGAN PEMINDAHAN BAKI

### TERMA DAN SYARAT

Terma dan syarat ini ("Terma dan Syarat") hendaklah terpakai kepada semua Ahli Kad yang berdaftar dengan UOB Baki Pengurangan Pemindahan Baki dan Terma dan Syarat ini akan dibaca bersama dengan Perjanjian Ahli Kad Visa / Mastercard UOB ("Perjanjian Ahli Kad").

Sekiranya terdapat sebarang percanggahan atau ketidakselarasan antara Terma dan Syarat ini dan Perjanjian Ahli Kad, Terma dan Syarat ini akan diguna pakai untuk Baki Pengurangan Pemindahan Baki. Kecuali ditentukan secara berbeza dalam Terma dan Syarat ini, kata-kata dan ungkapan yang digunakan dalam Terma dan Syarat ini akan mempunyai makna yang serupa seperti dalam Perjanjian Ahli Kad.

1. United Overseas Bank (Malaysia) Bhd (No. Syarikat 199301017069 (271809-K)) ("UOB Malaysia") akan menawarkan Baki Pengurangan Pemindahan Baki ("Program") kepada semua ahli kad utama baru dan sedia ada yang memegang Kad Kredit yang dikeluarkan oleh UOB Malaysia ("Ahli Kad").
2. Di bawah Program, Ahli Kad boleh memohon untuk memindahkan baki hutang dari kad kredit utama atau kad caj yang dikeluarkan oleh institusi kewangan lain yang berlesen di bawah Akta Perkhidmatan Kewangan 2013 atau syarikat yang diluluskan oleh Bank Negara Malaysia kepada Kad kredit UOB MALAYSIA Ahli Kad yang dikekalkan di dalam Akaun Kad Kredit namanya ("Permohonan").
3. Ahli Kad boleh mengemukakan lebih daripada satu (1) Permohonan di bawah Program dengan jumlah minimum RM1,000 bagi setiap Permohonan dengan tempoh minimum 6 bulan. UOB MALAYSIA berhak untuk meluluskan atau menolak Permohonan dan untuk menentukan baki tertunggak yang dibenarkan untuk dipindahkan ("Amaun Pemindahan Baki").
4. Akaun kad kredit UOB MALAYSIA mesti terkini dan berada dalam keadaan baik dengan Had Kredit tersedia yang mencukupi untuk membolehkan pelaksanaan amaun pindahan yang diluluskan dengan jayanya.
5. Ahli Kad boleh memindahkan sehingga 80% Had Kredit daripada akaun kad kredit UOB MALAYSIA Ahli Kad dengan syarat pemindahan tersebut di bawah Program ini tidak pada satu masa melebihi Had Kredit.
6. Setelah meluluskan Permohonan di bawah Program ini, Amaun Pemindahan Baki akan dikenakan Kadar Faedah Khas dan Tempoh Kadar Faedah Khas. Untuk mengelakkan keraguan, Kadar Faedah Khas dan Tempoh Kadar Faedah Khas hanya terpakai untuk Amaun Pemindahan Baki atau mana-mana bahagian dari Amaun Pemindahan Baki di bawah Program ini.
7. Caj amaun faedah berdasarkan Kadar Faedah Khas akan dibundarkan kepada sen.
8. Jumlah Had Kredit Ahli Kad yang sepadan akan disimpan untuk tujuan ini dan baki Had Kredit yang tersedia akan dikurangkan dengan sewajarnya. UOB MALAYSIA tidak akan bertanggungjawab terhadap Ahli Kad untuk sebarang transaksi yang ditolak oleh peniaga kerana Had Kredit yang tidak mencukupi yang timbul daripada ini.

9. Dalam keadaan di mana Akaun Kad Kredit yang dipautkan kepada Program ini masih belum diaktifkan oleh Ahli Kad, Permohonan hendaklah berfungsi sebagai persetujuan dan memberi kuasa kepada UOB MALAYSIA untuk mendebit Akaun Kad Kredit dengan jumlah baki tertunggak yang dipindahkan.
10. Amaun Pemindahan Baki akan dibilkan kepada Ahli Kad pada tarikh penyata berikutnya selepas tarikh pemindahan dan hendaklah dibayar balik mengikut terma dan syarat dalam dokumen ini dan terma dan syarat dalam Perjanjian Ahli Kad.
11. Semasa menunggu kelulusan Permohonan, pembayaran untuk Akaun Kad Kredit atau Kad Caj perlu diteruskan selaras dengan terma mentadbirkan yang sama. UOB Malaysia tidak akan bertanggungjawab ke atas Ahli Kad untuk sebarang faedah atau caj lain yang ditanggung oleh Ahli Kad disebabkan kelambatan atau kegagalan pihak UOB Malaysia dalam membuat pembayaran kepada Akaun Kad Kredit atau Kad Caj yang lain.
12. Semasa Tempoh Kadar Faedah Khas Program ini, Ahli Kad akan terus melakukan pembayaran minimum sebanyak Lima peratus (5%) sebulan atau Ringgit Malaysia Lima Puluh (RM50) (“amaun sewajarnya dibayar bulanan”), mana yang lebih tinggi, pada atau sebelum Tarikh Akhir Pembayaran seperti yang dinyatakan dalam Penyata Akaun selaras dengan syarat Perjanjian Ahli Kad.
13. Setelah tamat Tempoh Kadar Faedah Khas, Amaun Pindahan Baki akan tertakluk kepada caj kewangan biasa sebanyak Satu Perpuluhan Lima peratus (1.5%) sebulan atau Lapan Belas peratus (18%) setahun atau kadar faedah terkawal yang berlaku sehingga tarikh pembayaran penuh.
14. Apabila Permohonan Ahli Kad UOB Malaysia diluluskan di bawah Program ini, ia akan dianggap bahawa Ahli Kad telah bersetuju untuk menamatkan perkhidmatan Auto-Apportionment Payment (AAP) untuk akaun Pemindahan Baki. Jika Ahli Kad ingin mengekalkan AAP, sila hubungi Pusat Hubungan UOB Malaysia (03 – 2612 8121) untuk bantuan lanjut.
15. Bagi setiap Ahli Kad, tarikh kuat kuasa Program hendaklah tertakluk kepada pengeluaran Amaun Pemindahan Baki mengikut Permohonan masing-masing.
16. Sekiranya berlaku penyelesaian awal, tidak akan ada pengembalian dari Kadar Faedah Khas yang dikenakan.
17. Ahli Kad boleh membatalkan penyertaannya dalam Program tertakluk kepada penerimaan notis bertulis atau lisan oleh UOB Malaysia daripada Ahli Kad. Ahli Kad perlu memberikan notis melalui secara berikut:
  - mel ke uobcustomerservice@uob.com.my; atau
  - menghubungi Pusat Hubungan UOB Malaysia di talian 03-26128 121
18. Ahli Kad bertanggungjawab untuk membayar cukai atau levi pada tarikh kelulusan Permohonan Ahli Kad untuk Program atau pada tarikh selepas tarikh kelulusan Permohonan Ahli Kad untuk Program, diwajibkan oleh undang-undang untuk dibayar kepada sesiapa atau pihak berkuasa yang mempunyai bidang kuasa ke atas UOB Malaysia, berkenaan dengan apa-apa fi dan caj yang dicajkan atau dikenakan oleh UOB Malaysia berkaitan dengan Program yang diberikan kepada Ahli Kad.

19. Ahli Kad memberi kebenaran dan bersetuju bahawa cukai lain atau levi yang dikenakan oleh UOB Malaysia berkenaan Program yang diberi oleh UOB Malaysia kepada Ahli Kad, akan ditanggung oleh Ahli Kad dan dicajkan kepada Ahli Kad dan jika UOB Malaysia membuat bayaran bagi pihak Ahli Kad, Ahli Kad bertanggungjawab untuk membuat bayaran kepada UOB Malaysia untuk amaun yang telah dibayar dan UOB Malaysia berhak mengkreditkan cukai, duti dan levi ke dalam Akaun Kad Kredit.
20. Setelah menutup Akaun Kad Kredit UOB Malaysia selaras dengan Perjanjian Ahli Kad, Program ini akan segera dihentikan dan Ahli Kad bertanggungjawab untuk menyelesaikan sepenuhnya semua baki tertunggak dan caj yuran yang dikenakan oleh UOB Malaysia di bawah Program ini.
21. Sebagai tambahan, apabila berlaku salah satu atau lebih peristiwa berikut:
  - i. Melanggar mana-mana Terma dan Syarat ini;
  - ii. Kejadian lalai di bawah Perjanjian Ahli Kad;
  - iii. Kelewatan atau kegagalan membayar balik sejumlah yang perlu dibayar di bawah Program ini;
  - iv. Kegagalan untuk membayar sebarang wang pada Tarikh Akhir Pembayaran, atau melepaskan sebarang tanggungjawab atau liabiliti yang perlu dibayar oleh Ahli Kad kepada UOB Malaysia di bawah mana-mana perjanjian dengan UOB Malaysia atau di bawah sebarang kemudahan perbankan/kredit;
  - v. Kad Kredit dihentikan atau Akaun Kad Kredit ditutup / digantung dengan alasan apa pun;
  - vi. Menjadi mustahil atau tidak sah bagi UOB Malaysia untuk menyediakan atau terus menyediakan Program ini, termasuk tetapi tidak terhad kepada kematian, kemuflian atau sah ketidakupayaan Ahli Kad atau bahawa peruntukan dalam terma dan syarat ini dinyatakan oleh mahkamah atau yang lain kuasa tidak sah, terbatal atau tidak boleh dilaksanakan;jumlah tertunggak di bawah Program ini akan segera perlu dibayar dan akan dikenakan faedah Satu Persepuluh Lima peratus (1.5%) sebulan atau Lapan Belas peratus (18%) setahun atau kadar faedah terkawal kadar faedah yang diatur selaras dengan Perjanjian Ahli Kad. Keingkaran tersebut juga akan memberi hak kepada UOB Malaysia untuk membatalkan, mencabut, menggantung atau menyekat penggunaan Kad Kredit dan selepas itu untuk menggabungkan semua jumlah tertunggak ke dalam akaun kad kredit utama.
22. Ganjaran UNIRinggit atau Smart\$ Rebat tidak akan diberi di bawah Program ini.
23. UOB Malaysia berhak dari semasa ke semasa, sepenuhnya atau sebahagian, menamatkan, menggantung, mengubah, mengeluarkan dan/atau menambah terma dan syarat di dalam dokumen ini dengan pemberian notis terdahulu sebanyak dua puluh satu (21) hari kepada Ahli Kad melalui makluman di laman web UOB Malaysia, pemaparan notis di mana-mana cawangan UOB Malaysia dan/atau kenyataan yang dimasukkan ke dalam Penyata Akaun.
24. UOB Malaysia berhak membatalkan, menamatkan atau menggantung Program ini dengan pemberian notis terdahulu. Untuk mengelakkan keraguan, pembatalan, penamatan atau penggantungan oleh UOB Malaysia untuk Program tidak akan memberi hak kepada Ahli Kad untuk sebarang tuntutan atau pampasan dari UOB Malaysia untuk apa-apa kerugian atau kerosakan yang dialami oleh Ahli Kad secara langsung atau tidak langsung akibat.

25. UOB Malaysia tidak akan bertanggungjawab atas salah tafsiran atau salah pernyataan fakta oleh mana-mana pihak ketiga yang tidak dibenarkan berkenaan dengan Program yang disiarkan di mana-mana media, pemasaran atau bahan iklan.
26. UOB Malaysia tidak akan bertanggungjawab dan tidak akan menerima liabiliti apa pun dan bagaimanapun timbul atau dialami oleh Ahli Kad yang disebabkan secara langsung atau tidak langsung daripada Program ini kecuali kecuaiian atau kesalahan salah laku UOB Malaysia yang secara khusus berkaitan dengan Program ini.
27. Ahli Kad hendaklah mendapatkan penjelasan daripada wakil sah UOB Malaysia jika terdapat sebarang terma dan syarat yang tidak difahami oleh Ahli Kad.
28. Terma dan Syarat ini ditadbir dan ditafsir selaras dengan undang-undang Malaysia dan Ahli Kad bersetuju untuk menyerah kepada bidang kuasa tidak eksklusif mahkamah Malaysia.